

千里縱橫一帶山數年留意幾來還行時不避崎嶇險指望終身永占閑

又

燕中邀我出嘉山數騎翩翩東復還不是白雲香火冷本心縱意且清閑

又

疊疊重重無數山道人遊歷不知還未通下手全真妙誰得逍遙自在閑

又

五絕新吟別此山此山別後幾時還若將動靜能雙遣到處無

道藏輯要

葆光集

六
又
胃集十

心便得閑

留別河山道眾會首

水聲山色本無情山水之間神自清不是此間人事重重來憶望樂平生

又

樂道忘機適本情遊山翫水眼偏明老來不得安閑處卻使東西南北行

又

玄教開迷遠世情世情絕盡道心明當初來後無多事只爲情深有死生